



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XIII. Acta per Episcopum Tarracinensem à Pontifice cum Hispaniæ
Rege de Concilio indicendo, amouendisque in eo regno Iurisdictionis
Ecclesiasticæ detrimentis. Stanislaus Osius Nuntius ad ...

urn:nbn:de:hbz:466:1-11665

1560. liæ Rege. Credendum esse, Cæsarem, vbi duos tantos Reges in eo consilio coniunctos cerneret, ad eorum sententiam ac voluntatem se conformaturum. De propria nationis vnius Synodo discessere opus non esse, dum Oecumenica præstò erat.

Ita Pontifex; satis gnarus, vbi cum Principibus agitur, oportere litem ad id solum redigi, quo l declinari non possit; atque in eo pro se stantem non rationem modò, sed necessitatem palam fieri, quod firmitudo excusat; & pro altero utilitatem conueniendi, quo sponte honesteque flectatur.

CAPUT XIII.

Acta per Episcopum Tarracinensem à Pontifice cum Hispanie Rege de Concilio indicendo, amouendisque in eo regno iurisdictionis Ecclesiastice detrimentis. Stanislaus Osias Nuntius ad Cæsarem missus. Varia tum ab ipso Cæsare, tum ab Augustino Cardinali de Concilio perpensa.

Contigerat, mirante ac dolente in sinu Pontifice, ut complures menses non modò nulla legatio, sed ne litteræ quidem ad eum peruenerint, quibus nouum ipsi Principatum gratularetur Hispaniæ Rex, à quo singularem quamdam benevolentiam omnino sperauerat: verumtamen magis intentus conducibili, quām anxius de specioso, statuit illum præuertere. Itaque ad Hispanum misit Hannibalem Altempsum, suæ sororis filium^a, acturum illi grates, gratificationemque oblaturum ob dignitatem fauente sibi Rege collatam: hic verò Hannibal multos ibi menses duxit ad domestica pertractanda. Similiter ad Ferdinandum misit Hannibal fratre, de quo fusiùs infrà. Simul etiam Gabrielem Sorbellonum, alterius suæ sororis filium, ad Franciscum Regem destinavit. Sed insuper post hanc honorariam legationem, ^b Nuntium peculiarem ad Philippum Regem super eo negotio designauit Reuertam Episcopum Tarracinæ, magni à se habitum ob virtutis præstantiam, charum ob communem utriusque patriam, & ad id munens potissimum adiutum commendationibus Caraffæ Cardinalis, de Pro in electione recens benemeriti, & cuius plurimum intererat, habere per eos dies in Aula Hispanica Pontificium administrum ad eum studiosum sui, ad suæ familiæ commoda promouenda.

Tria præcipua Reuertæ commissa: Nauare operam, vt damnæ tollerentur illata iurisdictioni Ecclesiastice Paulo IV. sedente: Cohortari Regem, ad acceptandam promouendamque, quam Pontifex

^a Est in litteris Oratoris Amulij ad Senatum, 12. Maij 1560. & in multis aliis.

^b Litteræ Farneſij Card. Romæ ad Octauium Ducem, die non signato.

tex moliebatur, Concilij reuocationem in sedem pristinam: Et apud ipsum pro Caraffensibus precatorem agere, quos Pontifex remunerari meditabatur, composito per eam opportunitatem Paliani negotio, quod in publicam Apostolicæ Sedis utilitatem cadebat. Sed de hoc postremo infra dicemus.

Kalendis Aprilis, in primo cum Hispaniæ Rege congressu, Nuntius hoc pæsto differuit: Pontificem sui Pontificatus initio crebris litteris accepisse, varios metus ab hæreticis excitos in Gallia, in Provincia transalpina, in Sabaudia, variaſque molitiones per Germaniam, Angliam, Scotiam & Heluetiam: priùs verò non sine graui animi dolore audiuisse, idipsum eoſdem per Hispaniam moliri co-
natos; ad arma sollicitare Mauros Granatenses, Seriffum Algerij Dynastam, ac demum Turcarum opem ad Christianorum perni-
ciem implorare. Quapropter ſibi, de tam grauibus periculis vehe-
menter ſollicito, nec minus intento ad Ecclesiam ab his illæſam fer-
uandam, non occurere, vbinam tutius ſpem ſuam figeret, quām in
Rege Catholico, qui non ſine singulari Dei prouidentia potentif-
fimus inter Christianos Principes constitutus fuerat tot regnorum
coniunctione, nouique Orbis adeptione, & cuius ditiones adhuc im-
munes ferè à communi contagione perſtabant. Fieri tamen à ſe non
poſſe, quin exponeret, proborum omnium animos, quām priùs hu-
iūſimodi bonæ ſpe plenos, tam poſtē ſuspensos, quōd obſeruarent,
tandiu nullum ab ipſo Rege erga Pontificem fuiffe pŕeftitum offi-
cium gratulationis, obedientiæ, oblatæ operæ, nec legatione, nec
litteris; negatumque Nuntio, qui pŕæceſlerat, iurisdictionis vſum
fuiffe, adeò vt adigendus eſſet accipere Aſſefforem, hoc eſt alio
vocabulo, Superiorem. Per varia edita dignitati auctoritatique Se-
dis Apostolicae fuiffe derogatum; & dum in ipsius adiumentum
fuiffent à Rege offerendi theſauri, ab adminiſtris regiis iniectas eſſe
manus in ſpolia & in prouentus vacantium Eccleſiarum, ablatis
Apostolicae Cameræ iis quæ iure debentur. His incommodis uti
pios Catholicos afflictari, perinde animari hæreticos, qui hiſ argu-
mentis vulgo perſuaderent, hæc Hispaniæ cœpta eò tendere, ut ſe
obedientiæ ſacrosancta illius Sedis paulatim ſubduceret. Nihilom-
inius huiusmodi ſuspicionibus haud datum fuiffe locum in Ponti-
ficiis animo, conſtanter rato, hæc omnia Regem latuiffe: vbi verò
ea ipſi innoruiffent, cunctis remedia ſtatim adhibiturum, pŕefer-
tim eo tunc Christi Vicario conſtituto, à quo poterat ſibi Rex
polliceri ad ſuorum regnorum emolumentum quidquid Pontifici
ſalu honestate ac dignitate elargiri liceret.

Voluisse

1560.

Voluisse igitur Pontificem Regi anteuertere, & prius missis foro-
ris suæ filio, & nunc Nuntio, qui post impertitam illi paternam ac
studiosissimam benedictionem, ipsum de iis omnibus certiore
redderet, rogaretque, ne debita amplius officia protraheret, & inde-
bitam in ministris Ecclesiasticæ rei occupationem corrigeret: re-
uoluerset etiam animo, à Pontificalis auctoritatis despiciētia hære-
sim exoriri, & ex hæresi rebellionem. Silentium itaque imponeret
Affessoris petitioni, eligeretque, pro eo ac satiūs duceret, siue ut
Nuntius consuetas facultates suas exerceret, siue ut Romanum can-
mitterentur: amoueret iniecta vincula collectori in sui munera
functionibus; ac restituendum curaret quidquid ministrorum ma-
nus è præteritis Ecclesiarum spoliis contra ius collegerant. Edidit
Ecclesiæ noxia resignaret; idque eò celerius, quò minus decebat,
dum opus erat Synodum Oecumenicam ad extirpandas hæreses ce-
lebrare, tunc eas corruptelas in Hispania conspicere, de quibus inge-
nerali Christianæ gentis conuentu agendum erat. Pari de causa
constitutum similiter fuisse à Pontifice Cardinalium cœtum, quod
coram se frequenter conueniret ad Ecclesiasticos reformandos, an-
tequam eorum forodes exponerentur in tam solemni ac venerando
theatro expurgandæ. Ex eadem instantis Synodi cogitatione omne
studium à Pontifice adhiberi, ut Episcopos induceret ad suas Ecclesias
adeundas, vbi morum emendationem præoccupantes, ea saltu
possent corrigeret, quibus fortiori manu opus non esset; reliqua ve-
rò adnotare, quorum correctionem in Concilio fanciendam cura-
rent. Ab ipso Rege petere Pontificem, ad tam arduum ac salutare
consilium perficiendum, valida auxilia, ac monita sapientiae, qua
sibi polliceri non poterat ab iis Principibus, quorum virtus in eorum
regionibus hæresis sese diffuderat; quippe qui pertimescerent
quidquam agere aut loqui, quod contaminatis ipsorum subditis
displiceret. Quoniam autem opus erat Concilio magnis sumptu-
bus, & æratum Apostolicum non exinanitum modò proxime su-
perioribus bellis, sed oppressum ære alieno fuerat; ne grauaretur
Rex omni ope fauere exactiōni spoliorum Ecclesiasticorum, cum
præfertim ad id inuitaretur à Pontifice benevolentia, qui in præ-
fensiō per ipsum Nuntium facultatem pro Cruce signatis Regi im-
pertiebat; quiisque, habità potissimum ipsius Regis ratione, eius pa-
trium tamquam Cæsarem honorifice agnouerat, Cæsareumque
Oratorem singularibus benignitatis officiis exceperat.

Rex tarditatem suam in exhibenda Pontifici reuerentia prolixius
excusauit; affirmauitque, duos iam ante menses destinatum à se
fuisse

fuisse Oratorem suum ad id obsequij præstandum Comitem Tendilæ, cuius postea cunctatio ex eiusdem morbo contigerat: numquam se animo lætiori fuisse, quâ in eiusmodi Pontificis creatione: semper se præbuisse, præbiturumque dum viueret, obsequentem filium sacrofæc[t]a Sedi, adeoque ipsi Pio non pro communi solùm debito se obtemperatum, sed ex benevolentia ac reuerentia quadam peculiari, quâ semper illum prosecutus fuerat, ob conceptam à se opinionem de ipsius probitate atque integritate: proinde maiorem se obseruantiam obedientiamque semper exhibitum erga præsentem, quâ erga superiores Pontifices exhibuisset; tantiq[ue] Patris consilio directum, omnem se daturum operam, ut bono cunctis esset exemplo, nedum ut quamcumque de se malam suspicione detergeret. Et reipsâ paucos post dies obsequentissimas litteras suo chirographo ad Pontificem scripsit, quas paulò post Orator secutus est.

⁶ His urbanitatis significationibus quasi frondibus, res ipse tamquam fructus responderunt. Etenim de Nuntij potestate dixit: Grauissimus rationibus persuasum, oportere illi Assessorem adiungi; eas verò se iussisse à Consilio communicari Oratori destinato, à quo poltca Pontifici exponerentur, è cuius iudicio quid esset statuendum penderet. Verum quando iam tum Pontifex aduersam voluntatem denuntiabat, eumque delegerat Nuntium, quo magis integrum, magisque sibi fidum Assessorem Rex designare nequisset, consensurum se, ut liberè consuetas ille facultates exerceret; integrum verò de memoratis rationibus edoceretur, quod eas Pontifici significaret, ob incertas Nuntiorum qui venturi erant conditiones. Velle pariter Regem, ut in posterum suo munere (quemadmodum præstuit) collector liberè fungeretur: & quod ad pecuniam anteà à regiis ministris exactam spectabat, recognitum se quæ acta fuissent, mandaturumque id quod deceret probum & obsequentem filium Pontificis, cui sine fine pedem deosculabatur ob Cruciatæ concessionem, quâ contra infideles, & in Dei obsequium vteretur. Recognitum se pariter sanctiones, cum detimento Ecclesiasticae iurisdictionis habitas, easque ubi conueniret reuocaturum; & si quid suis in regnis opus foret, ad auctoritatem Pontificis, à quo tam benigne ea sibi offerebatur, configuratum. De Concilio, tē negotiij grauitate compelli ad responsionem maturius digerendam: rogatum se fuisse à Rege Christianissimo, ut ambo eius celebratiōnem à Pontifice coniunctim peterent; & accersitos à se complures viros doctos suæ ditionis, ut in tanta deliberatione ipsorum senten-

Pars II.

B b b

tias

HISTORIA
CONCILII TRIDENTINI
LIBERUS I.

562 HISTORIA CONCILII TRIDENTINI Lib. 14. Cap. 13.

1560.

tias audiret. Plurimos deinde dies eam responzionem Rex distulit, ac tandem reddidit, eaque comprobauit ut Synodus conuocaretur, tollereturque postrema suspensiō, omnes suas vires largē pollicitus ad Synodum promouendam.

Varios Pontifex Nuntios extra ordinem misit ad varios Christia-
norū Principes, eamdem celebrationem curaturos; prius ad Ca-
tholicos, dein, ut narrabitur, ad hæreticos. In Galliam perrexit
Franciscus Lancius Antistes Firmanus, in Poloniam Canobius, de
quo infra. Sed potissima rei tractatio cum Cæsare habenda erat,
cuius ditiones medelā plurimū indigebant, & vnde erumpens
eluuias aliorum regiones inundabat: quapropter alii Principes rem
in ipso reposuerant. Ad Cæsarem itaque urbanitatis nomine mis-
sus est à Pontifice Marcus Siticus^e, ex Comitibus Altempis nobilis Germanus, & è Pontificis sorore natus, cui Cassanensem Eccle-
siam Pius dederat, ex ipsius creatione vacantem, & aliâ tempestate Purpuram dedit^a: sed ad Religionis negotia transfigenda comes illi
additus est Cornelius Musius Episcopus Bituntinus^e, sepius à nobis laudatus, qui ad cunctos Cæsareos Familiae Principes pretios
ac pia dona deferret.^b

^c Apparet ex
mandatis
Nuntio Del-
fino traditis,
infra affer-
rendis.

^d 29. Maij,
vt in Actis
Consist.

^e Totum est
in interis A-
muliij, 25. &
31. Maij, &
primā Iunij
1560.

^f In epistola
Amuliij,
10. Augusti
1560.

Quod in primis Bituntini operā intendebatur, fuit, ut Regem Bohemiae Religioni restitueret, qui nouis erroribus aspersus non nihil videbatur, præsertim quod spectabat ad necessitatem Euch-
ristie sub utraque specie sumendæ; atque ad id mirificè idoneus Bi-
tuntinus visus est, quod in eo doctrina & eloquentia in unum co-
lescebant, præualida sane coniunctio ad veritatem Fidei efficaciter
insinuandam. Et quoniam existimabant Pontificij, in Maximili-
ano voluntatis impulsu iudicium depravari, cum se ad Imperium elec-
tum iri diffideret, dum illi parti aduersaretur, quæ tria ad electio-
nem obtinebat suffragia, viribusque præpollebat, conatus est Nun-
tius ipsi palam facere, plus eum tauoris opisque sibi polliceri posse
à Catholicis Principibus, tam exteris quam Germanis. Ad quod se-
runt ab eo responsum^f, Cuilibet mortali commodo conscientiam
à se anteferrī & effatum, quod in se optimum; si ad rem subiectam
falso referretur, corrumpi possit in pessimum; cum in comperto sit,
nefariis quibusque sacrilegiis pietatis clypeum obtendi, & vere ci-
ni, *Sua cuique Deus fit dira cupido*. Quare quemadmodum inter ve-
nientia ea sunt scelestissima, quæ rebus sanctissimis abutuntur, ita inter
defectiones à recta Fide illæ sunt maximè noxiæ, quæ sacratissima
Dei & conscientiæ nomina ad eas cohonestandas profanant. Atque
vbi etiam re ipsa error Principis in rebus Religionis solam eius men-
tem

tem inficeret, is planè deteriorem illum redderet, si non ipsi, certe Reipublicæ; eà ratione, quā ex Philosophi doctrina perniciosior esset humano consortio is qui homicidia adulteriaque patratet, ratus hæc ipsa licere, quām eorum nequitiae probè conscius.

9 Paulò post Nuntius, qui apud Cæsarem resideret, missus est Stanislaus Osius Polonus, Episcopus Varmiensis, æternā dignus memoriam, cùm ob ea quæ ipse scriptit ad Fidem tuendam in libris editis, tum ob ea quæ gessit ad eam firmandam in Concilio, cui interfuit & cum dignitate Purpurati & cum potestate Legati, desumpto ab eius Ecclesia nomine, Varmiensis appellatus. Extat narratio ab illo conscripta, & in Annalibus Abrahami Bzouij typis impressa <sup>g Ann. 1560.
lib. num. 60.</sup>, quæ complectitur res ab eo gestas cum memorato Bohemiæ Rege, Cæsaris primigena, quō noua sectæ falsitatem illi patefecerat. Nos verò ea narrabimus, quæ reportauit à Cæsare de reponendo Tridenti Concilio. Nodosæ super eo difficultates obiectæ sunt Ostio à Ferdinando, prius cotam, deinde prolixo commentario explicata, ad Pontificem mittendæ ^b. Hæc erat summa: Cognouisse Cæsarem ex Nuntio de Pontificis animo reuocandi Tridentum Concilij, ac de voluntate auscultandi quid ipse, quid etiam Reges Hispania Galliaque sentirent: immensam illi consilio commendationem esse tribuendam, cùm vnuquisque fateretur, Synodum esse unicam viam regiam, quā militans Ecclesia ad optatam tranquillitatem deduci posset. Et quamquam sibi adeò esset perspecta Pontificis sapientia, vt eum neque suo neque alterius cuiuspiam consilio indigum agnosceret, tamen ipso ita postulante ea se expositurum, quæ in Dei gloriam animo reuoluerat, sed ita, vt cuncta Pontificis iudicio subderet.

10 Ac primò quidem: Optabile fuisse, ut hoc remedium multos ante annos adhibitum esset, quō tot clades, quæ rebus tum sacris tum profanis acciderant, evitarentur; satius tamen esse, serò quām numquam medicinam admoueri, cùm Christiana Respublica adeò labefactata ac perturbata schismate laboraret, ut sine celeri curatione externis viribus infidelium ægrè posset obsistere. Sed quantumuis rei conficiendæ satageret Pontifex, molimen tamen operis annuo saltem spatio indigere; à se verò nihil diligentia prætermissum iri ad rem facilius peragendam. Velle se interim nonnullas difficultates proponere, summe arduas, ut ipse opinabatur, quas sperabat à singulari Pontificis prudentia disiectum iri, pro eo ac oportebat quo fructus è Concilio decerpseretur.

11 Prima erat: Experiendi constare, conducibili Christianorum

^b Est inter
Commenta-
rios Burgher-
fiorum.

1560.

Concilio communem Christianorum pacem opus esse. Idcirco cùm inter Gallos & Britannos cœpisset bellum succendi, oportere, vt Pontifex siue per se siue per sequestratos idoneos admiteretur illud extingui; quandoquidem Britannia præcipuum quoddam membrum erat Christianæ Reipublicæ, quodque humores pestis possent transfundere, eam curationem reliquo corpori præpedituros.

Altera erat: Concilium bis Tridenti inchoatum, breui tempore & sine fructu illic persticisse, præsertim Principum penuriā, qui aut præsentiam aut legationibus ipsum & nobilitarent & confirmarent. Eorum itaque frequentiam à Pontifice curandam: Cæsarem in eo suis partibus haud defuturum; idemque sibi significasse Regem Hispaniæ se peracturum. Sed quid haberent in animo Reges Galliæ, Britaniæ, Lusitaniæ, Scotiæ, Sueciæ, Poloniæ, Senatus Venetus, aliique, sibi non liquere: opus esse propterea, vt Pontifex opportunè cum ipsis siue per se siue per idoneos sequestratos ageret; & vbi Pontifex arbitraretur Cæsaris quoque operam impendendam, se illi, pro eo ac obsequentem filium decebat, morem gesturum. Quod ad Principes, Ordinesque Imperij spectabat, certum esse, Ecclesiasticos & laicos Catholicos conuenturos; eos verò, qui Confessionem Augustanam sequebantur, nonnisi durissimis conditionibus impetratis, quas ipsis in postremis Augustæ Comitiis efflagitauerant, consensuros. Num autem tentandum esset armis subigere homines potentes, obstinatos, variis fœderatis munitos, eoque pacto Christianas nationes bello maximè periculo peruertere, perpendebat Pontifex, quām opportunum foret conditioni temporum; & prætermisso per silentium, quām ægrè, quamque incommodè ipse Cæsar, angustiis quamplurimis obfessus, armorum exciret motum, vnde vocaretur in dubium ipsius fides, annis superioribus obstricta per publicam Germaniæ pacem: se quidem omni benevolentia atque ardore eos ad Concilium inuitaturum.

Tertia: Synodo bis incepæ graui detimento fuisse Pontificis absentiam, quæ apud multos sanctionum auctoritatem elevarat, cum tamen in priscis Conciliis compertum esset, quantum dignitatis præsentia Romanorum Pontificum ipsis attulisset. Quare oportere, vt in hoc recenti huiusmodi auctoramentum omnino non desideraretur.

Quarta erat de vrbe Tridentina, vbi Synodus euentu improspero bis fuerat coacta. Huiusmodi conuentus domicilio opus est loci amplitudinem, vberatatem soli, populi Religionem, & situs op-

portu-

portunitatem ad cuiusvis nationis accessum. Nescire Cæsarem an 1560.
cunctas conditiones enumeratas Tridentum completeretur; imo
scire, primâ conditione illud carere: proinde quoniam semper di-
ctatum fuerat, satius esse in Germania Concilium celebrari, tam-
etsi Cæsar voluisse in præsentia de graui Pontificis atate rationem
habere, eumque ad longioris itineris incommoda nequaquam in-
ducere; tamen se illi proponere, si forte magis idoneam ille cense-
ret Germanicam aliquam urbem, exempli causâ Coloniam, cunctis
reliquis conditionibus præditam, multisque nationibus Christia-
nis, & omnibus Imperij Principibus commodam, & quod Pontifex
deferre se posset per Galliam ac Belgium, absque graui perpessione
molestia, & extra omne discriminem; vel, quod breuius facilisque
ipso locum adire liceret, Constantiam aut Ratisponam eligi posse.

15 Quinta: Quamvis Cæsar, vt pote obsequens Pontificis filius,
non auderet rationem præscribere, quâ in Concilio res Religionis
essent agitandæ; tamen studio prosperi successus se ob oculos illi
ponere, Protestantates conqueri de nimia duritia, quâ Synodus an-
tegressa in eos vfa fuerat, publicæ fidei tabulis haud sibi impertitis
eâ formâ, quâ Bohemis concessæ fuerant à Synodo Basileensi, nec
iisdem ibi satis auditis. Etenim cùm illi articulos suæ Confessionis
protulissent, quod Patres illorum falsitatem ostenderent, aut ipsis
permitterent rationes suas Concilij Decretis obiicere, neutrum im-
petrauerant. Quocircà indulgendum ipsis in posterum, vt in eo si-
bi satisficeret.

16 Sexta: Cùm Pontifex animum præ se ferret resumendæ conti-
nuandæque Synodi Tridenti suspensæ, in hoc etiam præualida sibi
obstacula obiici: non quod promulgata Decreta impugnare aut de-
bilitare mens esset; sed quod huiusmodi continuatio fieri non po-
sse videretur tum Protestantium causâ, qui absque dubio audiri vel-
lent de integro, etiam super articulis ibi sanctis, tum quorundam
Catholicorum Principum respectu (Galliae Regem indica-
bat) qui solemniter in eam Synodum protestati fuerant: proinde
minime defuturum qui affirmaret, haud licuisse paucorum con-
uentui, cunctorum vniuersitatem obligare. Huc accedere, suspen-
sionem ad duos annos decretam, iam octauum prætergressam esse,
nullâ habitâ aliâ suspensione. Denique, ampliori gloria futuram
Pontifici nouam Synodi, quæ sua integra esset, celebrationem,
quâm pristinæ continuationem, in qua vti opus ipsum, ita laus ma-
gna ex parte aliorum foret.

Iam verò, quoniam tam ardua erat Concilij conuocatio, eiusque
B b b 3 exitus

1560.

exitus tam ambiguus, cupere Cæsarem, audiri à Pontifice mentem suam de aliis adiumentis, quæ prætermissionem Concilij compensarent: maximè verò cum omnes Catholici nondum in ipsum propperderent, quorum nonnullis correctio non placebat; & in quo euentu per annos plurimos maturescere fructus non posset, & v-

genti indigentia tanta mora intolerabilis videretur.

Eo posito, tametsi omnis caro esset corrupta, maiorem tamquam in reliquis corruptionem agnosci in Ecclesiasticis viris, quod affirmarant multi sanctorum Patrum, post quorum ætatem Clerus melioris frugis non erat. Deformis in templis solitudo, plurima in sacris mysteriis socordia, plurima licentia in actionibus laicorum, perpetua scandala, causa potissima, cur vulgus in credendo labetur: illinc propterea emendationem inchoandam. Validissimum ad Fidem illicium esse præclaram docentium virtutem; hue admonuendam à Pontificis dextera primam curationem, ut Ordo Ecclesiasticus pristino restituatur splendori, nolite alius esse, alius apparere, milites habitu, Clerici lucro, sed neutrum operibus: ad omnem à Cæsare suæ potestatis opem offerri. Postremo loco proponebat, videri laxamentum aliquod in seueritate Canonum expisci ab illius æui hominum imbecillitate, ac potissimum duabus rebus, supra modum expertis, à populo altera, altera à Clero: eas esse, usum Calicis concessum laicis, & coniugium Sacerdotibus. Harum priorem haud pendere ab integritate Corporis Christi in qualibet specie, sed esse omnino penes arbitrium Ecclesiaz, cui viliuit id iure prohibere in Synodo Constantiensi, perinde postea, spectatâ diuersâ temporum conditione, licebat idipsum concedere, nec à Cæsare illud sui gratiâ postulari, sed quod flagranti aliorum voto satisficeret.

Alterum postulatum prosequebatur, conatus persuadere plurimi rationibus uxores Sacerdotibus concedendas, de quo ad finem Operis aliquid differemus: ac demum narrabat, ab Archiepiscopo Salisburgenſi, vñ cum Synodo Episcoporum ab eo habita, se rogatum vehementer fuisse, vt duos hosce quos memorauimus abutus interdiceret populis hereditariæ sibi ditionis, ad ipsorum Diœcœlos spectantibus; se verò, quippe à primis usque annis in huiusmodi rebus versatum, satis nosse, quid re ipsa confici posset. Quapropter quæ sibi difficultatem afferrent, se illis scripto significasse; quod patiter Pontifici communicabat, cupiens cum ipso agere pro eo quod obsequenter filium, & Catholicum Imperatorem decebat.

Hæc omnia Pontifici à se ita deferri, ut ipsius iudicio subiungentur,

rentur, ac potissimum quod ad memorata duo capita spectabat: ea vero nec sibi a se deposci, nec suam sententiam comprobari; sed solum obici perpendenda Pontifici, itidem ac sibi expendenda ab aliis obiecta fuerant.

¹⁹ Cum hoc Cæsar scripto misit ad Pontificem Nuntius aliud quoque Augustani Cardinalis, summam apud utrumque Principem in iis negotiis auctoritate. Significabat ille, Ea quae proponebat consilia, a se fuisse decerpta e variis documentis magnorum virorum, studioque Religionis præstantium. Duo laxamenta a Cæsare flagitata, ante Synodum concedenda non esse, nec ad eam celebrandam festinandum, tametsi Gallus extimularet, cum oporteret prius Catholicos Principes in unum probè coalescere, ut ipsorum præsentiam viribusque Concilium communirent; idque potissimum agendum esse a Germanis Principibus in præcedenti conuentu, vbi Protestantes ad id compellerentur, & simul Catholici inter se coirent; alter Concilium despiciatur, furorique hostium Iudicium euasum. Inflexibili consilio in sola Tridentina mansione minimè persistendu, ne subito in obstacula impingeretur. Eligi posse * Columbinum, urbem liberam in Alsatiæ, a Belgio, Burgundia & Lotharingia haud longinquam, Tridento duplo ampliorem, regionibus Catholicis, & penè cunctis Austriacis vndique circumseptam, & ob Rheni propinquitatem, fertiliumq; prouinciarum, commeatu abundantem.

²⁰ Ex hisce scriptis animaduertit Pontifex ¹, id quoddecessoribus ⁱ Cuncta
acciderat sibi quoque contingere: nimurum, se antequam res insta-
ret vrgeri ad Concilium omnium stimulis, sed cum ventum esset
ad limen, nouarum cunctationum, nouarumque cautionum freno
coerceri; cuius rei causam esse quamdam speciosam appetentiam
habendi Concilij, quo morbus iam insanabilis sanaretur, non quo
præcepis humoris prauum fluxio fisteretur, & membra, quæ integra
erant, seruarentur; & ab hac eadem cupiditate allici ad eos imitan-
dos, qui ardenter cupidi intolerabilem sed immedicablem poda-
gram curare, empyrica assument medicamenta, quibus aut manci
reddantur, aut conficiuntur. Etenim tunc pariter Pontifici propo-
nebantur eiusmodi Concilij conditions ad hæreticos alliciendos,
qua idem Concilium ipsis Catholicis lethale reddidissent, subdentes
questioni, tamquam falso obnoxias, anteactas sanctiones; quod per-
inde erat, ac fateri, futuras etiam falli posse, & vitalem omnem suc-
cum ab Ecclesia Fideque subtrahere: sed hominibus molesto bello
duixatis consueta stultitia est, id a sociis foederatis petere, quod ho-
sti communi gratum sit, & quo non tam reconciliatus fiat quam in-
superabilis.

CAP V T

* Vu'gō
Colmar.

i Cuncta
constant ex
mandatis
Delfino
Nuntio tra-
ditis, quæ
sunt in Ar-
chivio Vati-
cano.